

8° R

106

Sup

*Commis Jeanne Marie
de Mante & tiravins*

RÉSERVÉ



VE

Reserve

R Suppl. 106

1^{re} édition: Bâle
1578

à la fin du présent

volume: Vive

Description de
la tyrannie

RESOLUTION

IRE ET FACI-

question tant de fois
prise des armes par
eurs:

1102 geneve par.

EST MON-

1752
mes raisons, tirees de
diuin & humain: qu'il
& licite aux Princes,
& peuple inferieur, de
pour s'opposer & resister
t é & felonnie du Prin-
ur, voire mesme neces-
le deuoir duquel on est
ys & Republique.

me de laual

REIMS,

ean Mouchar.

1577.

Samme de laual



Reserve

R Sup

1^{re} édition

15

n.B. à la fin du
volume:

Descri
la ty

2
VIVE DESCRI-
PTION DE LA TY-
rannie, & des Tyrans,

AVEC LES MOYENS
de se garentir de leur ioug.

Cicero Philipp. 13.

Quem discordiæ, quem cædes ci-
uium, quem bellum ciuile dele-
ctat, cum ex numero hominum
eiiciendum, ex finibus humanæ
naturæ censeo exterminandum.

A REIMS,

Par Iean Mouchar.

1577.



MAJEC LES MOYENS

А. Я. ЕМЗ

3

DE LA TYRANNIE,
& des Tyrans,

*Avec les moyens de se garentir
de leur ioug.*

D'Auoir plusieurs Seigneurs aucun bien ie ne voy. Qu'un sans plus soit le maistre, & qu'un seul soit le Roy, ce dit Vlysse en Homere, parlant en public. S'il n'eust dit, sinon

D'auoir plusieurs Seigneurs aucun bien ie ne voy, cela estoit tant biẽ dit que rien plus. Mais au lieu que pour parler avec raison, il fa-
loit dire, que la dominatiõ de plu-
sieurs ne pouuoit estre bõne, puis
que la puissance d'un seul, deslors
qu'il prend ce tiltre de Maistre, est
dure & desraisonnable : il est allé

adiouster tout au rebours,

*Qu'un sans plus soit le maistre,
& qu'un seul soit le Roy.*

Toutesfois à l'auanture il faut excuser Vlysse, auquel possible lors il estoit besoin d'vser de ce langage, & de s'en seruir pour appaiser la reuolte de l'armee, conformant(ie croy) son propos plus au temps, qu'à la verité. Mais à parler à bon escient, c'est vn extreme malheur, d'estre suiet à vn maistre, duquel on ne peut estre iamais assure qu'il soit bon, puis qu'il est tousiours en sa puissance d'estre mauuais quand il voudra. Et d'auoir plusieurs maistres, c'est autant que d'auoir autant de fois à estre extrememēt mal heureux. Si ne veux ie pas pour ceste heure
debate

debatre ceste question tant pour-
menee, a sauoir si les autres façons
de Republicques sont meilleures
que la Monarchie. A quoy si ie
voulois venir, encores voudrois-
ie sauoir, auant que mettre en dou-
te, quel rang la Monarchie doit a-
uoir entre les Republicques, si elle
y en doit auoir aucun: pource qu'il
est mal-aisé de croire, qu'il y ait
rien de public en ce gouuernemēt,
ou tout est à vn. Mais ceste que-
stion est reseruee pour vn autre
tēps, & demanderoit bien son trai-
té à part: ou plustost ameneroit
quant & soy toutes les disputes po-
litiques.

Pour ce coup ie ne voudrois si-
non entendre, S'il est possible, &
comme il se peut faire, que tant

d'hommes, tant de bourgs, tât de
villes, tant de nations, endurent
quelques fois vn Tyrā seul, qui n'a
puissance, que celle qu'on luy don
ne: qui n'a pouuoir de leur nuire,
sinon de tant qu'ils ont vouloir de
l'endurer, qui ne sauroit leur faire
mal aucun, sinon lors qu'ils aimēt
mieux le souffrir, que luy cōtredi
re. Grand chose certes, & toutes
fois si commune, qu'il s'en faut de
tant plus douloir, & moins esba
hir, de voir vn million de millions
d'hommes seruir miserablement,
ayans le col sous le ioug, non pas
contrains par vne plus grande for
ce, mais aucunement (ce semble)
enchantez & charmez par le seul
nom d'vn, duquel ils ne doiuent
ny craindre la puissance, puis qu'il
est

est seul, ny aimer les qualitez, puis
 qu'il est en leur endroit inhumain
 & sauuage. La foiblesse d'entre
 nous hommes est telle. Il faut sou-
 uent que nous obeyssions à la for-
 ce, il est besoin de temporiser, on
 ne peut pas tousiours estre le plus
 fort. Donc si vne nation est con-
 trainte par la force de la guerre de
 seruir à vn, comme la cité d'Athe-
 nes aux trente tyrans, il ne se faut
 pas esbahir qu'elle serue, mais se
 plaindre de l'accidēt, ou biē plus-
 tost ne s'esbahir, ny ne s'en plain-
 dre, mais porter le mal patiem-
 ment, & se reseruer à l'aduenir à
 meilleure fortune. Nostre nature
 est ainsi, que les communs deuoirs
 de l'amitié emportent vne bonne
 partie du cours de nostre vie. Il est

raisonnable d'aimer la vertu, d'estimer les beaux faiçts, de conoistre le bien d'où l'on l'a receu, & diminuer souuent de nostre aise, pour augmenter l'hōneur & auantage de celuy qu'on aime, & qui le merite. Ainsi donc, si les habitans d'un pays ont trouué quelque grād personnage, qui leur ait monstré par espreuue vne grande preuoyance pour les garder, grande hardiesse pour les defendre, vn grand soin pour les gouverner: si de là en auant ils s'appriuoisent de luy obeir, & s'en fier tant, que de luy donner quelques auantages, ie ne sçay si ce seroit sagesse: de tāt qu'ō l'oste de là où il faisoit bien, pour l'auancer en lieu, où il pourra mal faire. Mais certes si ne pourroit-il
faillir

faillir d'y auoir de la bonté, de ne craindre point mal de celuy, duquel on n'a receu que bien.

Mais ô bon Dieu, que peut estre cela? Comment dirons-nous que cela s'appelle? Quel malheur est cestuy là? Ou quel vice, ou plustost quel malheureux vice, voir vn nombre infini, nō pas obeyr, mais seruir, non pas estre gouuernez, mais tyrannisez, n'ayans ni biens, ni parēs, ni enfans, ni leur vie mesme, qui soit à eux. Souffrir les pilleries, les paillardises, les cruautez, nō pas d'une armee, non pas d'un camp barbare, cōtre lequel il faudroit despendre son sang & sa vie deuant, mais d'un seul: nō pas d'un Hercules, ne d'un Samson, mais d'un hommeau, & le plus souuent

du plus lasche & feminin de la nation: non pas accoustumé à la poudre des batailles, mais encore à grād' peine au fable des tournois: nō pas qui puisse par force cōmander aux hommes, mais tout empêché de servir vilement à la moindre femmelette. Appellons nous cela lascheté? Disons-nous, que ceux-là qui seruent, soyēt couards & recreus? Si deux, si trois, si quatre, ne se defendēt d'un, cela est estrange, mais toutefois possible. Biē pourra lō dire lors à bō droit, que c'est faute de cœur. Mais si cent, si mille, enduret d'un seul, ne dira-on pas, qu'ils ne veulēt point, qu'ils n'osent pas se prendre à luy, & que c'est non couardise, mais plustost mespris & desdain? Si lon void,

void, non pas cent, non pas mille
hōmes, mais cēt pays, mille villes,
vn million d'hōmes, n'affaillir pas
vn seul, duquel le mieux traitté de
tous en reçoit ce mal d'estre serf &
esclaue: comment pourrons-nous
nommer cela? Est-ce lascheté? Or
il y a en tous vices naturellement
quelque borne, outre laquelle ils
ne peuuent passer. Deux peuuent
craindre vn, & possible dix: mais
mille, mais vn million, mais mille
villes, si elles ne se defendent d'vn,
cela n'est pas couardise, Elle ne va
point iusques là, non plus que la
vaillâce ne s'estend pas, qu'vn seul
eschelle vne forteresse, qu'il assail-
le vne armee, qu'il conquiere vn
Royaume. Donques quel mōstre
de vice est ce cy, qui ne merite pas

encore le tiltre de couardise? qui ne trouue de nom assez vilain, que Nature desaduoué auoir fait, & la lāgue refuse de le nommer? Qu'on mette d'vn costé cinquante mille hōmes en armes, d'vn autre autāt: qu'on les range en bataille, qu'ils viennent à se ioindre, les vns libres combatans pour leur frāchise, les autres pour la leur oster: ausquels promettra-on par cōiecture la victoire? lesquels pēsera-on qui plus gaillardement iront au cōbat, ou ceux qui esperēt pour guerdon de leur peine l'entretènement de leur liberté, ou ceux qui ne peuent attendre loyer des coups qu'ils donnent, ou qu'ils reçoïuēt, que la seruitude d'autrui? Les vns ont tousiours deuāt leurs yeux le bonheur de

de leur vie passée, l'attente de pareil aise à l'aduenir. Il ne leur souuient pas tant, de ce qu'ils endurent ce peu de tēps que dure vne bataille, cōme de ce qu'il cōuiendra à ia mais endurer à eux, à leurs enfans, & à toute la posterité. Les autres n'ōt riē qui les enhardisse, qu'une petite pointe de conuoitise, qui se rebouche soudain cōtre le dāger, & qui ne peut estre si ardēte, qu'elle ne se doyue, & semble estaindre par la moindre goutte de sang, qui sorte de leurs playes. Aux batailles tant renommées de Miltiade, de Leonide, de Themistocles, qui ont esté dōnées deux mille ans a, & uiuent encores aujourd'huy aussi fresches en la memoire des liures & des hommes, comme si c'eust esté

l'autre hier, qu'elles furēt dōnees
 en Grece, pour le biē de Grece, &
 pour l'exemple de tout le monde:
 qu'est-ce qu'on pense qui donna à
 si petit nombre de gens, comme e-
 stoyent les Grecs, nō le pouuoir,
 mais le cœur de soustenir la force
 de tāt de nauires, que la mer mes-
 me en estoit chargee? de desfaire
 tāt de natiōs qui estoÿēt en si grād
 nōbre, que l'esquadron des Grecs
 n'eust pasourny s'il eust falu des
 Capitaines aux armées des enne-
 mis? Sinon qu'il semble qu'en ces
 glorieux iours là ce n'estoit pas tāt
 la bataille des Grecs cōtre les Per-
 ses, comme la victoire de la liber-
 té sur la domination, & de la fran-
 chise sur la conuoitise.

C'est chose estrāge, d'ouyr par-
 ler

ler de la vaillance, que la liberté
 met dās le cœur de ceux qui la de-
 fendent. Mais ce qui se fait en tous
 pays, par tous les hōmes, tous les
 iours, qu'un homme seul maſtine
 cēt mille villes, & les priue de leur
 liberté: q le croiroit, s'il ne faisoit
 que l'ouyr dire, & non le voir? Et
 s'il ne se voyoit qu'en pays eſtran-
 ges, & lointaines terres, & qu'ō le
 diſt, qui ne penſeroit que cela fuſt
 pluſtoſt feint & cōtrouué, que nō
 pas veritable? Encores ce ſeul Ty-
 ran, il n'eſt pas beſoin de le cōbat-
 tre, il n'eſt pas beſoin de s'ē defen-
 dre: il eſt de ſoy meſme deſfait,
 mais que le pays ne conſente à la
 ſeruitude. Il ne faut pas luy rien o-
 ſter, mais ne luy dōner rien. Il n'eſt
 point beſoin que le pays ſe mette

en peine de faire riē pour soy, mais
 qu'il ne se mette pas en peine de
 faire rien cōtre soy. Ce sont donc
 les peuples mesmes, qui se laissent
 ou plustost se font gourmander,
 puis qu'en cessant de seruir ils en
 seroyēt quittes. C'est le peuple qui
 s'asservit, qui se coupe la gorge:
 qui ayant le choix d'estre suiet, ou
 d'estre libre, quitte sa franchise, &
 prēd le ioug qui cōsent à son mal,
 ou plustost le pourchasse. S'il luy
 coustoit quelque chose de recou-
 urer sa liberté, ie ne l'en presserois
 point: combien que ce soit ce que
 l'homme doit auoir plus cher, que
 de se remettre en sō droit naturel:
 & par maniere de dire, de beste re-
 uenir à hōme. Mais encores ie ne
 desire pas en luy si grāde hardies-
 se.

se. Je ne luy permets point, qu'il aime mieux vne ie ne sçay quelle seureté de viure à son aise. Quoy? si pour auoir la liberté, il ne luy faut que la desirer: s'il n'a besoin que d'un simple vouloir, se trouuera-il nation au monde, qui l'estime trop chere, la pouuant gagner d'un seul souhait? & qui plaigne sa volonté à recouurer le bié, lequel on deuroit racheter au pris de son sang? & lequel perdu, tous les gens d'honneur doyuent estimer la vie desplaisante, & la mort salutaire? Certes tout ainsi cōme le feu d'une petite estincelle deuiét grād, & tousiours se réforce, & plus il trouue de bois, & pl^e est prest d'ē brusler, & sans qu'on y mette de l'eau pour l'esteindre, seulement en n'y

mettant plus de bois, n'ayant plus
 que cōsumer, il se cōsume soy-mes-
 me, & deuient sans forme aucune,
 & n'est plus feu: Pareillement les
 Tyrans, plus ils pillent, plus ils exi-
 gent, plus ils ruinent & destruisent,
 plus on leur baille: plus on les sert,
 d'autāt plus ils se fortifient, & de-
 uiennēt tousiours pl^r forts & plus
 frais, pour aneantir & destruire
 tout. Et si on ne leur baille rien, si
 si on ne leur obeyt point, sans cō-
 battre, sans frapper,, ils demeurēt
 nuds & desfaits, & ne sont pl^r rien:
 sinon que comme la racine, n'ayāt
 plus d'humeur & aliment deuient
 vne branche seiche & morte.

Les hardis, pour acquerir le biē
 qu'ils demādent, ne craignēt point
 le danger, les aduisez ne refusent
 point

point la peine. Les lasches & engourdis ne sçauent ni endurer le mal, ni recouurer le bien. Ils s'arrestent en cela, de le souhaiter, & la vertu d'y pretendre leur est ostee par leur lascheté, le desir de l'auoir leur demeure par la nature. Ce desir, ceste volôté, est commune aux sages & aux indiscrets, aux courageux & aux couards, pour souhaiter toutes choses, qui estās acquises, les rendroyēt heureux & contents. Vne seule en est à dire, en laquelle ie ne sçay cōme nature defaut aux hommes, pour la desirer. C'est la liberté, qui est toutesfois vn bien si grād, & si plaisant, qu'elle perdue, tous les maux viennent à la file, & les biens mesmes qui demeurerēt apres elle, perdēt entiere-

ment leur gouſt & ſaueur, corrompus par la ſeruitude. La ſeule liberté, les hōmes ne la deſirent point: non pas pour autre raiſon (ce me ſemble) ſinon pource que s'ils la deſiroyēt, ils l'auroyent: cōme s'ils reſuſoyent faire ce bel acqueſt ſeulement, par ce qu'il eſt trop aisé.

Pauvres gēs & miſerables, peuples inſenſez, natiōs opiniaſtres en voſtre mal, & aueugles en voſtre bien, vous vous laiſſez emporter deuant vous le plus beau & le plus clair de voſtre reuenu: piller vos chāps, voller vos maiſōs, & les depouiller des meubles anciens & paternels! vous viuez de ſorte, que vous pouuez dire, que rien n'eſt à vous. Et ſembleroit, que meſhuy ce vous ſeroit grand heur, de tenir
à moi-

à moitié vos biens, vos familles, & vos vies: & tout ce desgast, ce malheur, ceste ruine vous viēt, nō pas des ennemis, mais bien certes de l'ennemy, & de celuy que vous faites si grand qu'il est, pour lequel vous allez si courageusement à la guerre, pour la grādeur duquel vo^e ne refusez point de presenter à la mort vos personnes. Celuy qui vous maistrise tant, n'a que deux yeux, n'a que deux maīs, n'a qu'un corps, & n'a autre chose que ce qu'à le moindre homme du grand nombre infiny de vos villes: sinon qu'il a plus que vous tous, c'est l'avantage que vous luy faites, pour vous destruire. D'où a-il prins tāt d'yeux? d'où vous espie-il, si vous ne les luy dōnez? Cōment a-il tant

de mains pour vous frapper, s'il ne les pr  d de vous? Les pieds dont il foule vos citez, d'o   les a-il, s'ils ne sont des vostres? C  me a il auc   pouuoir sur vous, que par vous autres mesmes? C  m  t vous ose-
 roit-il courir sus, s'il n'auoit intellig  ce avec vous? Que vous pour-
 roit-il faire, si vous n'estiez recel-
 leurs du larr   qui vous pille? com-
 plices du meurtrier qui vous tue,
 & traistes de vous-mesmes? vous
 semez vos fruits, afin qu'il en face
 le desgast. Vous meublez & r  plis-
 ses vos maisons, pour fournir    ses
 voleries. vous nourrissez vos fil-
 les, afin qu'il ait dequoy saouler sa
 luxure. vous nourrissez vos enf  s,
 afin qu'il les meine, pour le mieux
 qu'il leur face, en ses guerres: qu'il
 les

les meine à la boucherie : qu'il les
 face les ministres de ses conuoiti-
 ses, les executeurs de ses vengean-
 ces. Vous rôpez à la peine vos per-
 sonnes, à fin qu'il se puisse mignar-
 der en ses delices, & se veautrer
 dans les sales & vilains plaisirs.
 Vous vous affoiblissez, afin de le
 faire plus fort & roide, à vous te-
 nir plus courte la bride. Et de tant
 d'indignitez, que les bestes mes-
 mes, ou ne sêtiroyêt point, ou n'ê-
 dureroyêt point, vo' pouuez vous
 en deliurer, si vous essayez, nō pas
 de vous en deliurer, mais seulemēt
 de le vouloir faire. Soyez resolu
 de ne seruir plus, & vous voila li-
 bres. Je ne veux pas que vous le
 poussiez, ny le brâssiez, mais seule-
 mēt ne le soustenez plus, & vous le

verrez, cōme vn grād Colosse, à qui
on a desrobbé la base, de sō poids
mesmes fondre en bas, & se rōpre.

Mais certes les medecins cōseil
lent biē, de ne mettre pas la main
aux playes incurables : & ie ne fay
pas sagement, de vouloir en cecy
conseiller le peuple, qui a perdu
long temps y a toute conoissance,
& duquel, puis qu'il ne sent plus
son mal, cela seul mōstre assez, que
sa maladie est mortelle. Cerchons
dōc par cōiecture, si nous en pou-
uons trouuer, cōment s'est ainsi si
auāt enracinee ceste opiniastre vo-
lonté de seruir, qu'il semble main-
tenāt, que l'amour mesme de la li-
berté ne soit pas si naturelle.

Premierement cela est, cōme ie
croy, hors de nostre doute, que si
nous

nous viuions avec les droits que Nature nous a dōnez, & les enseignemēs qu'elle nous apprēd, nous seriōs naturellemēt obeissans aux parēts, suiets à la raison & serfs de personne, de l'obeissance que chacun, sans autre aduertissemēt que de son naturel, porte à ses peres & meres. Tous les hōmes en sont tesmoins, chacun en soy & pour soy, de la raison si elle naist avec nous, ou nō: qui est vne questiō debatue au fōd par les Academiques, & touchee par toute l'eschole des Philosophes. Pour ceste heure ie ne penserois poīt faillir, en croyāt, qu'il y a en nostre ame quelque naturelle semence de raison, qui entretenue par bon cōseil & coustume, fleurit en vertu: & au contraire, souuēt ne

pouuât durer cōtre les vices surue-
 nus, estouffée s'auorte. Mais certes
 s'il y a rien de clair & d'apparēt en
 la Nature, & en quoy il ne soit pas
 permis de faire l'aueugle, e'est cela
 que Nature, le ministre de Dieu,
 & la gouuernāte des hōmes, nous
 a tous faits de mesme forme, & cō-
 me il semble, à mesme moule, afin
 de nous entreconoistre tous pour
 cōpagnons, ou plustost freres. Et
 si faisant les partages des presens
 qu'elle nous dōnoit, elle a fait quel-
 ques auātages de son bien, soit au
 corps ou à l'esprit, aux vns plus
 qu'aux autres: si n'a-elle pourtant
 entendu nous mettre en ce mōde,
 comme dās vn cāp clos, & n'a pas
 enuoyé icy bas les pl^r forts & plus
 aduisez, cōme des brigands armez
 dans

dans vne foreſts, pour y gourman-
 der les plus foibles. Mais pluſtoſt
 faut il croire, que faiſant ainſi aux
 vns les parts plus grâdes, & aux au-
 tres plus petites, elle vouloit faire
 place à la fraternelle affectiō, afin
 qu'elle euſt où s'employer, ayās les
 vns puiſſance de dōner aide, & les
 autres beſoin d'en receuoir. Puis
 donc que ceſte bōne mere nous a
 donné à tous toute la terre pour
 demeure, nous a tous logez aucu-
 nemēt en vne meſme maiſon, nous
 a tous figurez en meſme paſte, afin
 que chacū ſe peuſt mirer, & quaſi
 reconoiſtre l'vn dās l'autre: ſi elle
 nous a tous en commun donné ce
 grand preſent de la loix & de la pa-
 role, pour nous accointer & frater-
 niſer d'auātage, & faire par la com-

mune & mutuelle declaration de nos pēsees, vne cōmunion de nos volōtez: Et si elle a tasché par tous moyēs de serrer & estraindre plus fort le nœud de nostre alliance & societé: si elle a monstřé en toutes choses, qu'elle ne vouloit tāt nous faire tous vnīs, que tous vns: Il ne faut pas faire doute, que nous ne soyons tous naturellement libres, puis que nous sommes tous compagnons: & ne peut tōber en l'entendement de personne, que Nature ait mis aucun en seruitude, nous ayant tous mis en cōpagnie,

Mais à la verité, c'est bien pour neāt de débattre, si la liberté est naturelle, puis qu'ō ne peut tenir aucun en seruitude, sans luy faire tort, & qu'il n'y a rien au monde si contraire

traire à la Nature(estant toute raisonnable)que l'iniure. Reste donc de dire que la liberté est naturelle,& par mesme moyen (à mō aduis) que nous ne sommes pas seulement nais en possession de nostre franchise,mais aussi avec affection de la defendre. Or si d'aventure nous faisons quelque doute en cela, & sommes tant abastardis, que ne puissions reconnoistre nos biēs, ni semblablement nos naīfues affections, il faudra que ie vous face l'honneur qui vous appartient, & que ie monte par maniere de dire, les bestes brutes en chaire, pour vous enseigner vostre nature & cōditiō. Les bestes(ce m'aid'Dieu)si les hōmes ne font trop les sourds, leur crient, Viue liberté. Plusieurs

y en a d'entr'elles, qui meurent si
 tost qu'elles sont prises. Côme le
 poisson, qui perd la vie aussi tost
 que l'eau: pareillement celles-là
 quittent la lumiere, & ne veulent
 point surviure à leur naturelle frâ
 chise. Si les animaux auoyent en-
 tr'eux leurs rāgs & preeminences,
 Ils feroyēt(à mon aduis)de liberté
 leur noblesse. Les autres, des plus
 grandes iusques aux plus petites,
 lors qu'on les prēd, font si grande
 resistance d'ongles, de cornes, de
 pieds, de bec, qu'elles declarent af-
 sez, combien elles tiennēt cher ce
 qu'elles perdent. Puis estās prises,
 nous dōnent tāt de signes apparēs
 de la conoissance qu'elles ont de
 leur malheur, qu'il est bel à voir,
 que d'ores en là ce leur est plus lan-
 guir

guir que viure, & qu'elles conti-
 nuent leur vie, plus pour plaindre
 leur aise perdu, que pour se plaire
 en seruitude. Que veut dire autre
 chose l'Elephant, qui s'estât defen-
 du iusques à n'en pouuoir plus, n'y
 voyant plus d'ordre, estant sur le
 poinct d'estre prins, il enfonce ces
 machoires, & casse ses dents cōtre
 les arbres, sinon que le grand desir
 qu'il a de demeurer libre, cōme il
 est nay, luy fait de l'esprit, & l'adui-
 se de marchander avec les chas-
 seurs, si pour le pris de ses dents il
 en sera quitte, & s'il sera receu à
 bailler son yuoire, & payer ceste
 rançō pour sa liberté. Nous appa-
 stons le cheval, deslors qu'il est
 nay, pour l'appriuoiser à seruir: &
 si ne le sauons-nous tāt flatter, que

quād ce viēt à le domter, il ne mor
de le frein, qu'il ne rue cōtre l'espe
ron, cōme (ce semble) pour mon-
strer à la nature, & tesmoigner au
moins par là, que s'il sert, ce n'est
pas de son gré, mais par nostre cō
trainte. Que faut-il donc dire?

*Mesmes les bœufs sous les pieds
du ioug geignent,*

*Et les oiseaux dās la cage se plai-
gnent*, comme i'ay dit ailleurs au-
tres fois, passant le temps à nos ri-
mes Françoises. Car ie ne crain-
drois point, escriuāt à toy (ô Lon-
ga) mesler de mes vers, desquels ie
ne lis iamais, que pour le semblant
que tu fais de t'en contenter, tu ne
men faces glorieux. Ainsi dōc puis
que toutes choses, qui ont senti-
ment deslors qu'elles l'ont, sentēt
le

le mal de la suiection, & courent apres la liberté: puis que les bestes qui encores sont faites pour le seruice de l'homme, ne se peuuent acoustumer à seruir, qu'avec protestatiō d'vn desir cōtraire: quel mal encontre a esté cela, qui a peu tant desnaturer l'homme, seul nay (de vray) pour viure franchement, de luy faire perdre la souuenance de son premier estre, & le desir de la reprendre?

Il y a trois sortes de Tyrans. Je parle des meschans Princes. Les vns ont le Royaume par l'election du peuple, les autres par la force des armes, les autres par la succession de leur race. Ceux qui les ont acquis par le droit de la guerre, ils s'y portēt ainsi qu'on conoit bien,

qu'ils sont, comme on dit, en terre de conqueste. Ceux qui naissent Roys, ne sont pas communément gueres meilleurs: ains estés nais & nourris dās le sang de la Tyrānie, tirēt avec le laiēt la nature du Tyrān, & font estats des peuples qui sont sous eux, cōme de leurs serfs hereditaires: & selon la cōplexion, en laquelle ils sont plus enclins, auares, ou prodigues, tels qu'ils sōt, ils sōt du Royaume cōme de leur heritage. Celuy, à qui le peuple a donné l'estat, deueroit estre (ce me semble) plus supportable: & le seroit, cōme ie croy, n'estoit que des lors qu'il se void esleué par dessus les autres en ce lieu, flatté par ie ne sçay quoy, que lon appelle la grandeur, il delibere de n'en bouger point.

point. Cōmunément, celuy là fait estat de la puissance que le peuple luy a baillee, de la rendre à ses enfans. Or deslors que ceux là ont prins ceste opinion, c'est chose estrāge, de cōbien ils passent en toutes sortes de vices, & mesmes en la cruauté, les autres Tyrnas. Ils ne voyēt autre moyen, pour asseurer la nouvelle Tyrānie, que d'estēdre fort la seruitude, & estrāger tāt de suiets de la liberté, encores que la memoire en soit fresche, qu'ils la leur puissent faire perdre. Ainsi pour en dire la verité, ie voy bien qu'il y a entr'eux quelque difference, mais de choix ie n'ē voy point: & estās les moyens de venir aux regnes diuers, tousiours la façon de regner est quasi semblable. Les es-

leus, cōme s'ils auoyent prins des taureaux à domter, les traittent ainsi: les conquerans pensent en auoir droit, comme de leur proye: les succeffeurs, d'en faire ainsi que de leurs naturels esclaués.

Mais à propos, si d'aventure il naissoit aujourd'hui quelques gēs, tous neufs, nō accoustumez à la suietion, ny affriādez à la liberté, & qu'ils ne sceussent que c'est ni de l'un ni de l'autre, ni a grand'peine des noms: si on leur presentoit, ou d'estre suiets, ou iure en liberté, à quoy s'accorderoyēt ils? Il ne faut pas faire difficulté, qu'ils n'aimassent trop mieux obeyr seulemēt à la raison, que seruir à vn hōme: si non possible que ce fussent ceux d'Israel, qui sans cōtrainte, ny sans aucun

aucun besoin, se fîrēt vn tyrā: duquel peuple ie ne ly iamais l'hystoire, que ie n'ē aye trop grād despit, quasi iusques à deuenir inhumain, pour me resiouyr de tant de maux qui leur en aduindrēt. Mais certes tous les hōmes, tāt qu'ils ont quelque chose d'hōme, deuāt qu'ils se laissent assuiettir, il faut l'vn des deux, ou qu'ils soyent cōtrains, ou deceus: contrains par les armes estrāgeres, cōme Sparte & Athenes par les forces d'Alexandre, ou par les factiōs, ainsi que la Seigneurie d'Athenes estoit deuant venue entre les mains de Pisistrat. Par tromperie perdent-ils souuent la liberté: & en ce ils ne sont pas si souuēt seduits par autrui comme ils sont trompez par eux-mesme. Ainsi le

peuple de Syracuse, la maistresse
 ville de Sicile (q s'appelle aujourd'
 huy Saragosse) estât pressée par les
 guerres, incōsiderément ne mettāt
 ordre qu'au danger, esleua Denys
 le premier, & luy donna charge de
 la cōduite de l'armee: & ne se don
 na garde, qu'elle l'eut fait si grād,
 que ceste bonne piece là, reuenāt
 victorieux, comme s'il n'eust pas
 vaincu ses ennemis, mais ses citoy
 ens, se fit de Capitaine Roy, & de
 Roy Tyran. Il n'est pas croyable,
 cōme le peuple, deslors qu'il est af
 fuietty, rōbe soudain en vn tel & si
 profond oubly de la frāchise, qu'il
 n'est pas possible qu'il s'esueille
 pour la r'auoir, seruant si - ranche
 ment, & tant volontiers, qu'on di
 roit à le voir, qn'il a, nō pas perdu
 fa

sa liberté, mais sa seruitude. Il est
 vray, qu'au cōmencement lon sert
 contraint, & vaincu par la force:
 mais ceux qui viennent apres, n'a-
 yans iamais veu la liberté, & ne sa-
 chās que c'est, seruent sans regret,
 & font volontiers ce que leurs de-
 uanciers auoyēt fait par contrain-
 te. C'est cela, que les hōmes nais-
 sent sous le ioug, & puis nourris &
 esleuez dans le seruage, sans regar-
 der plus auant, se contentans de vi-
 ure, comme ils sont nais, & ne pen-
 sās point auoir d'autre droit, ni au-
 tre bien, que ce qu'ils ont trouué,
 ils prennent pour leur naturel l'e-
 stat de leur naissance. Et toutefois
 il n'est point d'heritier si prodigue
 & nonchalant, qui quelquefois ne
 passe les yeux dans ses registres,

pour entēdre s'il iouyt de tous les
droits de sa succession, ou si lon a
rien entrepris sur luy, ou son pre-
decesseur. Mais certes la coustu-
me, qui a en toutes choses grand
pouuoir sur nous, n'a en aucū en-
droit si grāde vertu qu'en cecy, de
nous enseigner à seruir:& (cōme lō
dit de Mithridate, qui se fit ordinai-
re a boire le poison) pour nous ap-
prēdre à aualler, & ne trouuer pas
amer le venin de la seruitude. Lon
ne peut pas nier, que la nature
n'ait en no^r bōne part, pour nous
tirer là où elle veut, & nous faire
dire ou bien ou mal naiz: mais si
faut-il confesser, qu'elle a en nous
moīs de pouuoir que la coustume:
pource que le naturel, pour bon
qu'il soit, se perd, s'il n'est entrete-
nu:&

nu:& la nourriture nous fait tous-
 iours de sa façon, commēt que ce
 soit, malgré la nature. Les semēces
 de biē, que la nature met en nous,
 sont si menues & glissātes qu'elles
 n'endurēt pas le moindre hurt de
 la nourriture contraire. Elles ne
 s'entretiennēt pas plus aisément,
 qu'elles s'abarstardissent, se fon-
 dent,& viennēt en rien:ne plus ne
 moins que les fruićtiers, qui ont
 bien tous quelque naturel à part,
 lequel ils gardēt biē, si on les laisse
 venir:mais ils le laissent aussi tost,
 pour ports d'autres fruićs estran-
 gers,& nō les leurs, selō qu'on les
 ente. Les herbes ont chacune leur
 propriété, leur naturel & singulari-
 té:mais toutefois le gel, le tēps, le
 terrouer, ou la main du Iardinier,



ou adiouftét, ou diminuent beaucoup de leur vertu. La plâte qu'ô a veue en vn endroit, on est ailleurs empesché de la reconoistre. Qui verroit les Venetiens, vne poignée de gens, viuans si librement, que le plus meschant d'entr'eux ne voudroit pas estre Roy, & tout ainsi nais & nourris, qu'ils ne conoiffét point d'autre ambitio, sinon à qui mieux aduifera à soigneufemēt entretenir leur liberté : ainsi appris & faits dās le berceau, ils ne prendroyent point tout le reste des felicitez de la terre, pour perdre le moindre poinct de leur franchise. Qui aura veu, dy ie, ces personnages-là, & au partir de là s'ē ira aux terres de celuy, que nous appellōs le grād seigneur, voyāt là des gēs, qui

qui ne pœuēt estre nais, que pour
 le seruir, & qui pour le maintenir
 abandonnent leur vie: penseroit-il
 que les autres & ceux-là eussent
 mesme naturel, ou plustost s'il n'e-
 stimeroit pas, que sortant d'vne ci-
 té d'hommes, il est entré dans vn
 parc de bestes? Lycurgus le poli-
 ceur de Sparte, ayāt nourry (ce dit-
 on) deux Chiens tous deux freres,
 to' deux allaiçtez de mesme laiçt,
 l'vn engraiscé à la cuisine, l'autre
 accoustumé par les chāps au fō de
 la trōpe & du huchet: voulāt mon-
 strer au peuple Lacedemoniē, que
 les hōmes sont tels, que leur nour-
 riture les fait, mit les deux Chiens
 en plein marché, & entr'eux vne
 soupe & vn lieure. l'vn courut au
 plat, & l'autre au lieure. Toutef-

fois (ce dit-il) si font-ils freres.
 Dōcques celuy là avec ses loix &
 sa police nourrit & fit si biē les La
 cedemoniens, que chascun d'eux
 eust eu plus cher de mourir de mil
 le morts, que de reconoistre autre
 Seigneur que la Loy & le Roy.

Il pren plaisir de ramentenir
 vn propos, que tindrent iadis les
 fauoris de Xerxes, le grand Roy
 de Perse, touchant les Spartiates.
 Quād Xerxes faisoit ses appareils
 de grande armee, pour cōquerir la
 Grece, il enuoya ses Ambassadeurs
 par les citez Gregoises, demander
 de l'eau & de la terre (c'estoit la fa-
 çon que les Perfes auoyēt de som-
 mer les villes) A Sparte ny à Athe-
 nes n'enuoya il point: pource que
 de ceux que Daire sō pere y auoit
 enuoyez

enuoyez pour faire pareille demã-
de, les Spartiates & les Atheniens
en auoyent ietté les vns dedans les
fossiez, les autres ils auoyēt fait sau-
ter dedans vn puits, leur disans,
qu'ils prissent là hardiment de
l'eau & de la terre, pour porter à
leur Prince. Ces gēs ne pouuoýēt
souffrir, que de la moindre parole
seulement on touchast à leur liber-
té. Pour en auoir ainsi ysé, les Spar-
tates couurent qu'ils auoyent en-
couru la haine des dieux mesmes,
specialement de Thaltibie, dieu
des herauts. Ils s'auiserent d'enuo-
yer à Xerxes, pour les appaiser,
deux de leurs citoyens, pour se
presenter à luy, qu'il fist d'eux à sa
guise, & se paya de là pour les Am-
bassadeurs qu'ils auoyent tuez à

ſō Pere. Deux Spartiates, l'un nō-
 mé Specte, l'autre Bulis, s'offirēt
 de leur gré pour aller faire ce pa-
 yement. Ils y allerēt, & en chemin
 ils arriuerent au palais d'un Perſe,
 qu'on appelloit Gidarne, qui eſtoit
 lieutenant du Roy en toutes les vil-
 les d'Asie, qui ſont ſur la coſte de
 la mer. Il les recueillit fort hono-
 rablement. Et apres pluſieurs pro-
 pos, tombans de l'un en l'autre, il
 leur demanda, pourquoy ils refu-
 ſoyēt tāt l'amitié du Roy. Croyez
 (dit il) Spartiates, & conoiſſiez par
 moy, comment le Roy ſçait hono-
 rez ceux qui le valent, & pēſez que
 ſi vous eſtiez à luy, il vous feroit de
 meſme. Si vous eſtiez à luy, & qu'il
 vous euſt conus, il n'y a celuy d'en-
 tre vous, qui ne fuſt Seigneur d'un
 ne

ne ville de Grece, En cecy, Gidar-
 ne, tu ne nous scaurois dōner bon
 cōseil (dirent les Lacedemoniens)
 pource que le biē que tu nous pro-
 mets, tu l'as essayé, mais celuy dōt
 nous iouyssōs, tu ne sçais que cest:
 tu as esprouué la faueur du Roy,
 mais de la liberté, quel goust elle
 a, combien elle est douce, tu n'en
 sçais rien. Or si tu en auois tasté
 toy-mesme, tu nous conseillerois
 de la defendre, nō pas avec la lāce
 & l'escu, mais avec les dents & les
 ongles. Le seul Spartiate disoit ce
 qu'il falloit dire: mais certes & l'un
 & l'autre disoyēt, cōme ils auoyēt
 esté nourris. Car il ne se pouuoit
 faire que le Perse eust regret à la li-
 berté, ne l'ayāt iamais eue, ny que
 Lacedemonien endurast la suie,

tion, ayant gousté la franchise.

Caton l'Utique, estant encores enfant & sous la verge, alloit & venoit souuent chez Sylla le Dictateur, tât pource qu'à raison du lieu & maison, dont il estoit, on ne luy fermoit iamais les portes, qu'aussi ils estoient proches parens. Il auoit tousiours son maistre quand il alloit, cōme auoyent accoustumé les enfans de bōne part. Il s'apperceut que dās l'hostel de Sylla, en sa presence, ou par son commandement, on emprisonnoit les vns, on condamnoit les autres, l'un estoit banny, l'autre estranglé, l'un demandoit le confisq d'un citoyē, & l'autre la teste. En somme, tout y alloit, non comme chez vn Officier de la ville, mais comme chez vn Tyran du peuple,

peuple, & c'estoit non pas vn par-
 quet de iustice, mais vne cauerne
 de Tyrānie. Ce noble enfant dit à
 son maistre. Que ne me donnez-
 vous vn poignard? Je le cacheray
 sous ma robbe. I'entre souuēt dās
 la chābre de Sylla, auant qu'il soit
 leué. I'ay le bras assez fort pour en
 depescher la ville. Voyla vrayemēt
 vne parole appartenante à Caton.
 C'estoit vn commencement de ce
 personnage, digne de sa mort. Et
 neantmoins qu'on ne die ne son nō
 ne son pays, qu'on cōpte seulemēt
 le fait tel qu'il est, la chose mesme
 parlera, & iugera-on à belle auen-
 ture, qu'il estoit Romain, & nay
 dedans Rome, mais dans la vraye
 Rome, & lors qu'elle estoit libre.
 A quel propos tout cecy? Nō pas

certes que i'estime que le pays & le terrouer parfacent rien. Car en toutes cōtrees, en tout air, est contraindre la suiection, & plaisant d'estre libre.

Mais par ce que ie suis d'auis, qu'on ait pitié de ceux, qui en naissant se sont trouué le ioug au col, & que ou biē on les excuse, ou biē qu'on leur pardōne, si n'ayans iamais veu seulement l'ombre de la liberté, & n'ē estās point aduertis, ils ne s'apperçoyuēt point du mal que ce leur est d'estre esclauēs. S'il y a quelques pays (cōme dit Homere) des Cimmeriens, où le Soleil se monstre autrement qu'à nous, & apres leur auoir esclairé six mois continuels, il les laisse sommeillās dans l'obscurité, sans les venir re-
 uoir

uoir de l'autre demie annee : ceux
 qui naistroyent pendât ceste lon-
 gue nuit, s'ils n'auoyēt ouy parler
 de la clarté, s'esbahiroit on, si n'a-
 yans point veu de iour, ils s'acou-
 stumoyēt aux tenebres, où ils sont
 nais, sans desirer la lumiere? On ne
 plaint iamais ce qu'on a iamais eu,
 & le regret ne viēt point, sinon a-
 près le plaisir, & tousiours est avec
 la conoissance du biē, & le souue-
 nir de la ioye passée. Le naturel de
 l'hōme est bien d'estre franc, & de
 le vouloir estre: mais aussi sa natu-
 re est telle, que naturellemēt il tiēt
 le ply, que la nourriture luy dōne.

20 Disons donc, Ainsi qu'à l'hōme
 toutes choses luy sont naturelles,
 à quoy il se nourrit & accoustume,
 mais seulement celuy est natif, à

quoy sa nature simple, & non alté-
 ree l'appelle: ainsi la premiere rai-
 son de la seruitude volōtaire, c'est
 la coustume, cōme des plus bra-
 ues courtaux qui au cōmencement
 mordent le frein, & puis apres s'en
 iouent: & là ou nagueres ils ruoyēt
 contre la selle, ils se portent main-
 tenāt dans le harnois, & tous fiers
 se gorgiasent sous la barde. Ils di-
 sēt qu'ils ont esté tousiours suiets,
 que leurs peres ont ainsi vescu. Ils
 pésent qu'ils sont tenus d'endurer
 le mors, & le fōt acroire par exem-
 ples: & fondent en mesmes sur la
 lōgueur, la possession de ceux qui
 les tyrannissent. Mais pour vray les
 ans ne dōnent iamais droit de mal
 faire, ains aggrandissent l'iniure.
 Tousiours en demeure il quelques

uns mieux nais que les autres, qui
 sentēt le poids du ioug, & ne se peu-
 uēt tenir de le crouller, qui ne s'ap-
 priuoisent iamais de la suiectiō, &
 qui tousiours, comme Vlysse qui
 par mer & par terre cherroit de
 voir la fumee de sa case, ne se sca-
 uent garder d'aduiser à leurs natu-
 rels priuileges, & de se souuenir
 des predecesseurs, & de leur pre-
 mier estre. Ce sont volōtiers ceux
 là, qui ayās l'entendement net, & l'e-
 sprit clair voyāt, ne se contentent
 pas, comme le gros populas, de re-
 garder ce qui est deuāt leurs pieds,
 s'ils n'auissent & derriere & deuāt,
 & ne rameinēt encores les choses
 passees, pour iuger de celles du
 tēps aduenir, & pour mesurer les
 presentes. Ce sont ceux, qui ayans

la teste d'eux mesmes bien faite,
l'ont encores polie par l'estude &
sauoir. Ceux là, quād la liberté se-
roit entierement perdue, & toute
hors du monde, l'imaginant & la
fentāt en leur esprit, & encores la
sauourant, la seruitude ne leur est
iamais de goust, pour si biē qu'on
l'acoustre.

Le grand Turc s'est bien aduisé
de cela, que les liures & la doctri-
ne donnent plus que toute autre
chose, aux hōmes, le sens de se re-
conoistre & de hayr la Tyrannie.
l'entens qu'il n'a en ses terres gue-
res de plus scauās qu'il n'en demā-
de. Or communément le bon zele
& affection de ceux qui ont gardé
malgré le tēps la deuotiō à la fran-
chise, pour si grād nōbre qu'il y en
ait

ait en demeure sans effect pour ne
s'entreconoistre point. La liberté
leur est toute ostee sous le Tyran,
de faire & de parler, & quasi de pé
ser. Ils demeurēt tous singuliers en
leurs fantasie. Et pourtant Momus
ne se mocqua par trop, quand il
trouua cela à redire en l'homme
que Vulcā auoit fait, dequoy il ne
luy auoit mis vne petite fenestre
au cœur, afin que par là lon peust
voir ses pensees. Lon a voulu dire
que Brute & Cassé, lors qu'ils firēt
l'entreprise de la deliurâce de Ro
me, ou plustost de tout le monde,
ne voulurēt point que Ciceron ce
grand zelateur du bien public, s'il
en fut iamais, fust de la partie, &
estimerent son cœur trop foible
pour vn fait si haut. Ils se fioyent

bien de sa volonté, mais ils ne s'as-
 feuroyēt point de son courage. Et
 toutefoix qui voudra discourir les
 faits du tēps passé, & les Annales
 anciennes, il s'en trouuera peu, ou
 point, de ceux qui voyās leur pays
 mal mené, & en mauuaises mains,
 ayans entrepris d'une bonne in-
 tention de le deliurer, qu'ils n'en
 soyēt venus à bout, & que la liber-
 té, pour se faire apparoiſtre ne se
 soit elle-mesme fait espaule. Har-
 mode, Aristogiton, Thraſybule,
 Brute le vieux, Valere & Dion,
 cōme ils ont vertueusement pēſé,
 l'executerent heureusemēt. En tel
 cas quasi iamais à bon vouloir ne
 defaut la fortune. Brute le ieune &
 Casse osterent bien heureusemēt
 la seruitude, mais en rameuāt la li-
 berté,

berté, ils moururent, non pas miserablement. Car quel blasme seroit ce de dire, qu'il y ait rien eu de miserable en ces gens là, ny en leur mort, ny en leur vie? Mais certes au grâd dommage & perpeuel malheur, & entiere ruine de la Republique: laquelle certes fut, cōme il me semble, enterree avec eux. Les autres entreprises, qui ont esté faites depuis cōtre les autres Empereurs Romains, n'estoyent que des cōiurations de gēs ambitieux, lesquels ne sont pas à plaindre des inconueniens qui leur sont aduenus: estant bel à voir, qu'ils desiroient, nō pas d'oster, mais de ruiner la Couronne, pretendās chasser le Tyran, & retenir la tyrānie. A ceux là ie ne voudrois pas mes-

me qu'il leur en fust bien succédé:
 & suis contēt, qu'ils ayent mōstré
 par leur exemple. qu'il ne faut pas
 abuser du sainct nom de la liberté,
 pour faire mauuaise entreprise.

Mais pour reuenir à mon pro-
 pos, lequel i'auois quasi perdu, la
 premiere raison pourquoy les hō-
 mes seruent volōtiers, est, ce qu'ils
 naissent serfs, & sont nourris tels.
 De ceste cy en vient vne autre, que
 aisément les gens deuiennent, sous
 les Tyrans, lasches & effeminez:
 dont ie scay merueilleusemēt bon
 gré à Hippocrates, le grand pere
 de la Medecine, qui s'en est prins
 garde, & là ainsi dit en l'vn de ses
 liures, qu'il intitule des maladies.
 Ce persōnage auoit certes le cœur
 en bon lieu, & le mōstra bien alors
 que

que le grand Roy le voulut attirer
pres de luy à force d'offres & grās
presens, & luy respondit franche-
ment, qu'il feroit grand' conscien-
ce de se mesler de guerir les Bar-
bares, qui vouloyēt tuer les Grecs,
& de rien seruir par son art à luy
qui entreprenoit d'asseruir la Gre-
ce. La lettre qu'il luy enuoya, se
void encore aujourd'huy parmy
ses autres œuures, & tesmoignera
pour iamais de son bō cœur, & de
sa noble nature. Or il est donc cer-
tain, qu'avec la liberté tout à vn
coup se pert la vaillâce. Les gens
suiets n'ont point d'allegresse au
cōbat, ny d'aspreté. Ils vōt au dan-
ger cōme attachez, & tous engour-
dis, par maniere d'acquit & ne sen-
tent point bouillir dans le cœur,

l'ardeur de la frâchise, qui fait mes-
 priser le peril, & donne enuie d'a-
 cheter par vne belle mort, entre
 ses compagnons, l'honneur de la
 gloire. Entre les gens libres, c'est à
 l'enuy à qui mieux mieux, chascun
 pour le bien cōmun, chascun pour
 soy: là où ils s'attendēt d'auoir tou-
 te leur part au mal de la desfaite,
 ou au bien de la victoire. Mais les
 gens asservis, outre ce courage
 guerrier, ils perdēt encores en tou-
 tes autres choses la viuacité, &
 ont le cœur bas & mol, & sont in-
 capables de toutes choses grâdes.
 Les Tyrans conoissent bien cela:
 & voyans qu'ils prennent ce ply,
 pour les faire mieux auachir enco-
 res leur y aident-ils.

Xenophon, historien graue, &
 du

du premier rang entre les Grecs, a fait vn liuret, auquel il fait parler Simonide avec Hieron, le Roy de Syracuse, des miseres du Tyrā. Ce liure est plein de bonnes & graues remonstrāces, & qui ont aussi bonne grace, à mon aduis, qu'il est possible. Que pleust à Dieu, que tous les Tyrās, qui ont iamais esté, l'eussent mis deuant les yeux, & s'en fussent seruis de mirouer. Je ne puis pas croire, qu'ils n'eussent reconu leurs verrues, & eu quelque honte de leurs taches. En ce traitté il conte la peine, en quoy sont les Tyrās qui sont contrains, faisans mal à tous, se craindre de tous. Entre autres choses il dit cela, que les mauuais Roys se seruent d'estrangers à la guerre, & les soudoyēt, ne s'e-

sans fier de mettre à leurs gēs (auf-
 quels ils ont fait tort) les armes en
 la main. Il y a eu de bons Roys, qui
 ont bien eu à leur folde des natiōs
 estranges, cōme des François mes,
 & plus encores d'autres fois
 qu'aujourd'huy : mais à vne autre
 intention, pour garder les leurs,
 n'estimās rien de dommage de l'ar-
 gent pour espargner les hommes.
 C'est ce que disoit Scipion (ce
 croy ie, le grand Africain) qu'il ai-
 meroit mieux auoir sauué la vie à
 vn citoyen, que desfait cent enne-
 mis. Mais certes cela est bien asseu-
 ré, que le Tyran ne pense iamais,
 que sa puissance luy soit asseuree,
 sinon quād il est venu à ce point,
 qu'il n'a sous luy hōme qui vaille.
 Donques à bon droit luy dira-on
 cela,

cela, que Thrason en Terence se
vante auoir reproché au maistre
des Elephans.

Pour cela si brane vous estes,

Que vous anez charge des bestes.

Mais ceste ruse des Tyrans d'a-
bestir leurs suiets ne se peut pas
conoistre plus claiement, que par
ce que Cyrus fit aux Lidiens, apres
qu'il se fut emparé de Sardes, la
maistresse ville de Lydie, & qu'il
eut prins à mercy Cresus, ce tant
riche Roy, & l'eut emmené captif
quand & soy. On luy apporta les
nouuelles que les Sardins s'estoyent
reuoltés. Il les eust bien tost reduis
sous sa main. Mais ne voulant pas
mettre à sac yne tant belle ville, ny
estre tousiours en peine d'y tenir
yne armee pour la garder, il s'ad-

nisa d'un grād expedient pour s'en
asseurer. Il y establit des bordeaux,
des tauernes & jeux publics, & fit
publier ceste ordonnance, que les
habitans eussent à en faire estat. Il
se trouua si biē de ceste garnison,
qu'il ne luy falut iamaïs depuis ti-
rer vn coup d'espee contre les Ly-
diens. Ces pources gens miserables
s'amuserent à inuenter toutes sor-
tes de jeux, si biē que les Latins en
ont tiré leur mot, & ce que nous
appelons Passe temps, ils l'appel-
lent *LV DI*, cōme s'ils vouloyē
dire Ly di. Tous les Tyrans n'ont
pas ainsi declaré si expres, qu'ils
voulussent effeminer leur hōmes:
mais pour vray ce que celuy la or-
donna formellement, & en effect,
sous main ils l'ont pourchassé la
plus

pluspart. A la verité c'est le naturel du menu populaire, duquel le nombre est tousiours plus grand dans les villes. Il est souspecôneux à l'endroit de celuy qui l'aime, & simple enuers celuy qui le trompe. Ne pèsez pas qu'il y ait nul oiseau, qui se prenne mieux à la pipee, ny poisson aucun, qui pour la friandise s'accroche plustost dās le haim, que tous les peuples s'allechent vīstemēt à la seruitude, pour la moindre pleume, qu'on leur passe (comme on dit) deuant la bouche. Et est chose merueilleuse, qu'ils se laissent aller ainsi tost, mais seulement qu'on les chatouille. Les theatres, les ieux, les farces, les spectacles, gladiateurs, les bestes estrāges, les medailles, les tableaux, & autres

telles drogueries, estoÿēt aux peuples anciens les appasts de la seruitude, le prix de leur liberté, les outils de la Tyrannie. Ce moyen, ceste pratique, ces allechemens auoyent les anciens Tyrās, pour endormir leurs anciē sūiets sous le ioug. Ainsi les peuples affortis, trouuans beaux ces passe-tēps, amusez d'vn vain plaisir, qui leur passoit deuāt les yeus, s'accoustumoyent à seruir aussi niaisemēt, mais plus mal, que les petis enfās, qui pour voir les luisans images des liures illuminez, apprennent à lire. Les Romains Tyrans s'aduiserēt encores d'vn autre poinct, de festoyer souuēt les dizaines publiques, abusant ceste canaille (cōme il falloit) qui se laisse aller, plus qu'à
toute

toute chose, au plaisir de la bouche. Le plus enté du de tous n'eust pas quitté son escuelle de souppe, pour recouurer la liberté de la Re publique de Platon. Les Tyrans faisoient largesse du quart de bled, du sextier de vin, du sesterce: & lors c'estoit pitié d'ouyr crier, Vive le Roy. Les lourdauts n'aduisoyent pas, qu'ils ne faisoient que recouurer vne partie du leur, & que cela mesme qu'ils reconuroient, le Tyran ne leur eust peu donner, si deuât il ne l'auoit osté à eux-mesmes. Tel eust amassé aujourdhuy le sesterce, tel se fust gorgé au festin public, en benissant Tibere & Neron de leur belle liberalité: qui le lendemain estant contraint d'abandonner ses biens à l'auarice,

ses enfans à la luxure, sō sang mesmes à la cruauté de ces magnifiques Empereurs, ne disoit mot, nō pl⁹ qu'une pierre, & ne se remuoit nō plus qu'une fouchē. Tousiours le populas a eu cela. Il est au plaisir, qu'il ne peut honestement recevoir, tout ouuert & dissolu, & au tort & à la douleur, qu'il ne peut honestement souffrir, insensible. Je ne voy pas maintenant personne, qui oyant parler de Neron, ne tremble mesme au sermon de ce vilain monstre, de ceste orde & falle beste. On peut biē dire qu'après sa mort, aussi vilaine que sa vie, le noble peuple Romain en receut tel desplaisir, (se souuenant de ses jeux & festins) qu'il fut sur le poinct d'ē porter le dueil. Ainsi

l'a eſcrit Corneille Tacite àutêur bon, & graue des plus, & certes croyable. Ce qu'on ne trouuera pas eſtrâge, ſi lon cōſidere, ce que ce peuple là meſme auoit fait à la mort de Iules Cæſar, qui donna congé aux Loix & à la liberté. Auquel perſonnage ils n'y ont (ce me ſemble) trouué rien qui valuſt que ſon humanité, laquelle, qu'oy qu'o la preſchaſt tant, fut plus domma geable, que la plus grâde cruauté du plus ſauuage Tyrā qui fuſt on- ques. Pource qu'à la verité ce fut ceſte venimeuſe douceur, qui en- uers le peuple Romain ſucra la ſer- uitude. Mais apres ſa mort, ce peu- ple là, qui auoit encores à la bou- che ſes banquetts, en l'eſprit la ſou- uenance de ſes prodigalitez, pour

luy faire ses honneurs & le mettre
 en cendres, amōceloit à l'enuy les
 bancs de la place, & puis luy esle-
 ua vne Coulōne, comme au Pere
 du peuple (ainsi portoit le chapi-
 teau) & luy fit plus d'hōneur, tout
 mort qu'il estoit, qu'il n'en deuoit
 faire à homme du mōde: si ce n'e-
 stoit possible à ceux qui l'auoyent
 ué. Ils n'oublierent pas cela aussi
 les Empereurs Romains, de pren-
 dre communémēt le tiltre de Tri-
 bun du peuple, tāt pource que cest
 office estoit tenu pour sainct & sa-
 cré, que aussi il estoit estably pour
 la defense & protectiō du peuple,
 & sous la faueur de l'estat. Par ce
 moyen ils s'asseuroyēt, que ce peu-
 ple se fieroit plus d'eux, comme ils
 deuoyent encourir le nom, & non
 pas

pas sentir les effects.

Au contraire aujourd'huy ne font pas beaucoup mieux, ceux qui ne font mal aucun, mesmes de consequence, qu'ils ne fassent passer deuant quelque ioly propos du bien commun & soulagement public. Car vous scauez bien (ô Longa) le formulaire, duquel en quelques endroits ils pourroyent vsfer assez finement. Mais en la pluspart certes il n'y peut auoir assez de finesse, là où il y a tât d'impudēce. Les Roys d'Assyrie, & encores apres eux ceux de Mede, ne se presentoyent en public, que le plus tard qu'ils pouoyent, pour mettre en doute ce populas, s'ils estoient en quelque chose plus qu'hommes, & laisser en ceste resuerie les gens, qui

font volôtiers les imaginatifs, aux choses dequoy ils ne peuuent iuger de veüe. Ainsi tant de nations, qui furent assez long tēps sous cest Empire Assyrien, avec ce mystere s'acoustumerent à seruir, & seruoient plus volontiers, pour ne sauoir quel maistre ils auoyēt, ny à grand' peine s'ils en auoyent: & craignoient tous à credit vn que persōne n'auoit veu. Les premiers Roys d'Egypte ne se monstroyent gueres, qu'ils ne portassent tantost vne branche, tantost du feu sur la teste, & se masquoyent ainsi, & faisoient les basteleurs: & en ce faisant, par l'estrangeté de la chose, ils donnoient à leurs suiets quelque reuerence & admiration: ou aux gēs, qui n'eussent esté ou trop fots,

fots, ou trop afferuis, ils n'eussent
 appresté (ce m'est aduis) sinon pas
 se-têps & risce. C'est pitié d'ouyr
 parler, de cōbien de choses les Ty
 rans du temps passé faisoient leur
 profit, pour fonder leur Tyrānie:
 de combien de petis moyens ils se
 seruoyent grandemēt, ayans trou
 ué ce populas fait à leur poste: au
 quel ils ne scauoyent tendre filé,
 que ils ne s'y vinssent prendre, du
 quel ils ont eu tousiours si bō mar
 ché de tromper, qu'ils ne l'affuiet
 tissoient iamaïs tāt, que lors qu'ils
 s'en mocquoyent le plus.

Que diray-ie d'une autre belle
 bourde, que les peuples anciens
 prindrent pour argent cōtant? Ils
 creurent fermement, que le gros
 doigt d'un pied de Pyrrhus, Roy

des Epirotes, faisoit miracles, & guarissoit les malades de la rate. Ils enrichirent encore mieux le compte, que ce doigt, apres qu'on eut bruslé tout le corps mort, s'estoit trouué entre les cendres, s'estant sauué maugré le feu. Toujours ainsi le peuple s'est fait luy-mesmes les menfonges, pour puis apres les croire. Prou de gés l'ont ainsi escrit, mais de façon, qu'il est à bel voir, qu'ils ont amassé cela des bruits des villes, & du vilain parler du populaire. Vespasian reuenāt d'Assyrie, & passant par Alexandrie pour aller à Rome s'emparer de l'Empire, fit merueilles. Il redressoit les boiteux, il rendoit clair voyant les aueugles: & tout plein d'autres belles choses, auxquelles

quelles qui ne pouuoit voir la fau-
te qu'il y auoit, il estoit (à mon ad-
uis) plus aueugle, que ceux qu'il
guerissoit. Les Tyrans mesmes
trouuoient fort estrange, que les
hōmes peussent endurer vn hom-
me leur faisant mal. Ils vouloyent
fort se mettre la religion deuant
pour garde corps, & s'il estoit pos-
sible, empruntoient quelque e-
schâtillon de diuinité, pour le sou-
stien de leur meschâte vie. Donc-
ques Salmonee, si lon croid à la Si-
bille de Virgile, & son enfer, pour
s'estre ainsi mocqué des gens, & a-
uoir voulu faire du Iupiter, en réd-
maintenant compte où elle le vid
en l'arriere-enfer,

*Souffrant cruels tourmens, pour
vouloir imiter*

Les tonnerres du ciel, & feux de
Iupiter.

Dessus quatre coursiers cestuy al-
loit branlant

(Haut monté) dans son poing un
grand flambeau brulant

Par les peuples Gregeois, & dans
le plein marché

De la ville d'Elide, haut il auoit
marché,

En faisant sa brauade, mais il en-
treprenoit

Sur l'honneur, qui sans plus aux
dieux appartenoit.

L'insensé, qui l'oufrage & foudre
inimitable

Contrefaisoit (d'airain, & d'un
cours effroyable

De cheuaux corne-pieds) du pere
tout puissant:

Lequel,

Lequel, bien tost apres, ce grand
mal punissant,

Lança, non vn flambeau, non pas
une lumiere

D'une torche de cire, avecques sa
fumiere,

Mais par le rude coup d'une hor-
rible tempeste,

Il le porta là bas, les pieds par des-
sus ceste.

Si celuy, qui ne faisoit que le
fot, est à ceste heure si bien traitté
là bas, ie croy que ceux qui ont a-
busé de la Religiõ pour estre me-
schans, s'y trouueront encores à
meilleures enseignes.

Les nostres semerent en Fran-
ce ie ne scay quoy de tel, des cra-
pauts, des fleurs de lis, l'Ampou-
le, l'Oriflan. Ce que de ma part,

comment qu'il en soit, ie ne veux pas encores mescroire, puis que nous & nos ancestres n'auons eu aucune occasion de l'auoir mescreu, ayans tousiours eu des Roys si bons en la paix, si vaillans en la guerre, qu'encores qu'ils n'aissent Roys, si semble-il qu'ils ont esté nō pas faits comme les autres par la nature, mais choisis par le Dieu tout-puissant, deuant que naistre pour le gouuernement & la garde dece Royaume. Encores quand cela n'y seroit pas, si ne voudrois-je pas entrer en lice, pour debatre la verité de nos histoires, ny l'eplucher si priuément pour ne tollir ce bel estat, ou se pourra fort escrimer nostre poésie Frāçoise, maintenant non pas acoustree, mais,

comme

cōme il semble, faite toute à neuf,
 par nostre Ronsard, nostre Baif,
 nostre du Bellay, qui en cela auan-
 cent bien rāt nostre lāgue, que i'o-
 se esperer, que bien tost les Grecs
 ny les Latins n'aurōt gueres pour
 le regard deuant nous, sinon possi-
 ble que le droit d'aisnesse. Et cer-
 tes ie ferois grād tort à nostre rith-
 me (car i' vse volontiers de ce mot,
 & il ne me desplait) pource qu'en-
 cores que plusieurs l'eussent ren-
 due mechanique, toutesfois ie voy
 assez de gens, qui sont à mesmes
 pour la r'anoblir, & luy rendre son
 premier honneur. Mais ie luy fe-
 rois, dy ie, grand tort de luy oster
 maintenant ces beaux comptes du
 Roy Clouis, ausquels desia ie voy
ce me semble, combien plaisant

ment, combien à son aise s'y esga-
 yera la veine de nostre Rôfard en
 sa Franciade. l'entens la portee, ie
 conois l'esprit aigu, ie sçay la gra-
 ce de l'homme. Il fera ses beson-
 gnes en l'Oriflan, aussi bien que
 les Romains de leurs Auciles, &
des boucliers du ciel en bas iettez,
 ce dit Virgile, Il mesnagera nostre
 Ampoule aussi bien que les Athe-
 niens leur panier d'Eristhone. Il
 se parlera de nos armes encores
 dans la tour de Minerue. Certes
 ie serois outrageux de vouloir des-
 mêtir nos liures, & de courir ainsi
 sur les terres de nos Poëtes. Mais
 pour reuenir d'où ie ne sçay com-
 ment i'auois d'estourné le fil de
 mon propos, a-il iamais esté que
 les Tyrâs, pour s'affleurer, n'ayent
tous-

toufiours tafché d'acouftumer le
 peuple enuers eux, non pas feule-
 ment à l'obeiffance & feruitude,
 mais encores à deuotion? Dōques
 ce que i'ay dit iufques icy, qui ap-
 prēd les gens à feruir volōtiers, ne
 fert gueres aux tyrans, que pour le
 menu & groffier populaire. Mais
 maintenant ie viens à mon aduis à
 vn poinct, lequel eft le fecret & le
 refourd de la domination, le fou-
 ftien & fondement de la Tyrānie.
 Qui penfe que les hallebardes des
 gardes, l'affiette du guet, garde les
 Tyrans, à mon iugement fe trom-
 pe fort: ils s'en aydent, comme ie
 croy, plus pour la formalité & ef-
 pouuantail, que pour fiance qu'ils
 y ayent. Les Archers gardent d'en-
 trer dās les Palais les mal habiles,

qui n'ont nul moyen, non pas les bien armez, qui peuuent faire quelque entreprise. Certes des Empereurs Romains il est aisé à cōpter, qu'il n'y en a pas eu tant, qui ayent eschappé quelque dāger par le secours de leurs Archers, cōme de ceux-là qui ont esté tuez par leurs gardes. Ce ne sont pas les bandes des gens à cheual, ce ne sont pas les compagnies des gens à pied, ce ne sont pas les armes, qui defendent le Tyran. Mais on ne le croira pas du premier coup: toutesfois il est vray. Ce sont tousiours quatre ou cinq qui maintiennent le Tyran, quatre ou cinq qui luy tiennent le pays tout en seruage. Tousiours il a esté, que cinq ou six ont eu l'oreille du Tyran, & s'y sont approchez

chez d'eux-mesmes, ou bien ont
 esté appellez par luy, pour estre
 les complices de ses cruautéz, les
 compagnons de ses plaisirs, mac-
 quereaux de ses voluptez, & com-
 muns au bien de ses pilleries. Ces
 six adressent si biē leur chef, qu'il
 faut pour la société, qu'il soit me-
 schant, non pas seulement de ses
 meschancetez, mais encores des
 leurs. Ces six ont six cens, qui pro-
 fitent sous eux, & font de leurs six
 cens ce que les six font au Tyran.
 Ces six cens tiennent sous eux six
 mille, qu'ils ont esleuez en estat,
 auxquels ils ont fait donner, ou le
 gouuernement des prouinces, ou
 le maniemēt des deniers, afin
 qu'ils tiennent la main à leur aua-
 rice & cruauté, & qu'ils l'executēt

quand il fera temps & facent tant
 de mal d'ailleurs, qu'ils ne puissent
 durer que sous leur ombre, ny s'e-
 xempter que par leur moyen des
 loix & de la peine. Grande est la
 fuyte, qui vient apres de cela. Et
 qui voudra s'amuser à deuuyder
 ce filet, il verra, que non pas les six
 mille, mais les cent mille, les mil-
 lions, par ceste corde, se tiennent
 au Tyran, s'aydant d'icelle, com-
 me en Homere Iupiter qui se van-
 te, s'il tire la chaine, d'amener vers
 soy tous les dieux. De là venoit la
 creuë du Senat sous Iule, l'establis-
 sement de nouueaux estats, ele-
 ction d'offices : non pas certes, à
 bien prendre, reformation de la
 iustice, mais nouueaux soustiens
 de la Tyrannie. En somme lon en
 vient

vient là par les faueurs , par les gains, ou regains que lon a avec les Tyrás, qu'il se trouue quasi autant de gens, auxquels la tyrannie semble estre profitable, cōme de ceux, à qui la liberté seroit agreable. Tout ainsi que les Medecins disent, qu'en nostre corps s'il y a quelque chose de gasté, deslors qu'en autre endroit il s'y bouge rien, il se vient aussi tost rendre vers ceste partie vereuse: Pareillement deslors qu'un Roy s'est déclaré Tyran, tout le mauuais, toute la lie du Royaume, ie ne dy pas vntas de l'arronneaux & d'efforillez, qui ne peuuēt gueres faire mal ny bien en vne Republique: mais ceux qui sont tarez d'une ardente ambition, & d'une notable auari-

ce, s'amaissent autour de luy, & le
soustiennent, pour auoir part au
butin, & estre sous le grād Tyran,
tyrāneaux eux-mesmes. Ainsi font
les grans volleurs, & les fameux
coursaïres. Les vns descourent le
pays, les autres cheualent les voy-
ageurs, les vns sont en embusche,
les autres au guet, les vns massa-
crent, les autres despouillent, &
encores qu'il y ait entr'eux des
preeminences, & que les vns ne
soyent que valets, & les autres les
chefs de l'assemblee, si n'en y a il
à la fin pas vn, qui ne se sente du
principal butin, au moins de la re-
cherche. On dit bien que les Pyra-
tes Siciliens ne s'assemblerent pas
seulement si grand nombre, qu'il
fallust enuoyer contr'eux Pompee
le

le grand, mais encores tirerent à leur alliance plusieurs belles villes & grandes citez, aux hautes desquelles ils se mettoyant en grande feureté, reuenant des courses, & pour recompense leur bailloyent quelque profit du recellement de leurs pilleries.

Ainsi le Tyrā afferuit les suiets les vns par le moyen des autres, & est gardé par ceux, desquels, s'ils valoyent rien, il se deuroit garder, mais, comme on dit, pour fendre le bois il se fat ides coings du bois mesme. Voyla les Archers, voyla les gardes, voyla les hallebardiers. Il n'est pas qu'eux mesmes ne souffrent quelquefois de luy. Mais ces perdus, ces abandonnez de Dieu & des hommes, sont contents d'en-

durer du mal, pour en faire, non
 pas à celuy qui leur en fait, mais à
 ceux qui en endurent comme eux,
 & qui n'en peuuent mais. Et tou-
 tesfois voyant ces gens là, qui na-
 quettēt le Tyran, pour faire leurs
 besongnes de sa Tyrannie, & de la
 seruitude du peuple, il me prend
 souuent esbahissemēt de leur me-
 schanceté, & quelquefois quelque
 pitié de leur grande sottise. Car, à
 dire vray, qu'est-ce autre chose de
 s'approcher du Tyran, sinon que
 de se tirer plus arriere de leur li-
 berté, & (par maniere de dire) ser-
 rer à deux mains & embrasser la
 seruitude. Qu'ils mettent vn petit
 à part leur ambition, qu'ils se des-
 chargent vn peu de leur auarice: &
 puis qu'ils se regardent eux-mes-
 mes,

mes, qu'ils se reconnoissent, & ils verront clairement, que les villageois, les payfans, lesquels tant qu'ils peuuēt, ils foullēt aux pieds, & en font pis que des forçats ou esclaves: ils verrōt, dy ie, que ceux-là ainsi mal menez, sont toutesfois au pris d'eux fortunez, & aucunement libres. Le laboureur & l'artisan, pour tant qu'ils soyent afferuis, en sont quittes, en faisant ce qu'on leur dit. Mais le Tyran void les autres qui sont pres de luy, coquinans & mendians sa faueur. Il ne faut pas seulement qu'ils facēt ce qu'il dit, mais qu'ils pensent ce qu'il veut, & souuent, pour luy satisfaire, qu'ils preuiennent encores ses pensees. Ce n'est pas tout à eux de luy obeyr, il faut encores

luy complaire, il faut qu'ils se rom-
 pent, qu'ils se tourmentent, qu'ils
 se tuent à trauailler en ses affaires,
 & puis qu'ils se plaisent de s'õ plai-
 sir, qu'ils laissent leur goust pour
 le sien, qu'ils forcent leur comple-
 xion, qu'ils despouillent leur natu-
 rel. Il faut qu'ils prennent garde à
 ses paroles, à sa voix, à ses signes, à
 ses yeux: qu'ils n'ayent ni eux, ni
 pieds, ni mains, que tout ne soit au
 guet, pour espier ses volontez, &
 pour descouurir les pensees. Cela
 est-ce viure heureusement? Cela
 s'appelle-il viure? Est-il au monde
 rien si insupportable que cela? Je
 ne dy pas à vn homme bien nay,
 mais seulement à vn qui ait le sens
 commun, ou sans plus la face d'un
 homme. Quelle condition est plus
 misera-

ferable, que de viure ainsi, qu'on n'ait rien à soy, tenāt d'autrui son aise, sa liberté, son corps, & sa vie?

Mais ils veulent seruir, pour gagner des biens: comme s'ils pouuoient rien gagner qui fust à eux, puis qu'ils ne peuuent pas dire d'eux, qu'ils soyent à eux-mesmes. Et comme si aucun pouuoit rien auoir de propre sous vn Tyran, ils veulent faire que les biens soyent à eux, & ne se souuiennent pas, que ce sont eux, qui luy donnent la force, pour oster tout à tous, & ne laisser rien, qu'on puisse dire estre à personne. Ils voyent que rien ne rend les hommes suiets à sa cruauté, que les biens: qu'il n'y a aucun crime enuers luy digne de mort, que le dequoy: qu'il n'aime que les

richesses: ne desfait que les riches, qui se viennent presenter comme deuant le boucher, pour s'y offrir ainsi pleins & refaits, & luy en faire enuie. Ces fauorits ne se doyuent pas tant souuenir de ceux, qui ont gaigné autour des Tyrans beaucoup de biens, comme de ceux, qui ayans quelque temps amassé, puis apres y ont perdu & les biens & la vie. Il ne leur doit pas venir en l'esprit, combien d'autres y ont gaigné de richesses, mais combiẽ peu ceux-là les ont gardees. Qu'on decouure toutes les anciennes histories, qu'on regarde toute celle de nostre souuenâce, & on verra tout à plein, combien est grand le nombre de ceux qui ayans gaigné par mauuais moyens l'oreille des Princes,

ces, & ayans ou employé leur mau-
 uaiſtié, ou abusé de leur ſimpleſ-
 ſe, à la fin par ceux-là meſmes ont
 eſté aneantis, & autant qu'ils a-
 uoyent trouué de facilité, pour les
 eſleuer, autant puis apres y ont-ils
 trouué d'inconſtance pour les y
 conſeruer. Certainemēt en ſi grād
 nōbre de gens, qui ont eſté iamais
 pres des mauuais Roys, il en eſt
 peu, ou comme point, qui n'ayent
 eſſayé quelquefois en eux-meſmes
 la cruauté du Tyran, qu'ils auoyēt
 deuant attriſee contre les autres, le
 plus ſouuent s'eſtās enric his, ſous
 ombre de ſa faueur, des depouil-
 les d'autrui, ils ont eux meſmes en-
 richy les autres de leur deſpouille.

Les gens de biē meſme, ſi quel-
 quefois il s'en trouue quelcun ai-

mé du Tyran, tant soyent-ils auāt
 en sa grace, tant reluise en eux la
 vertu & integrité, qui voire aux
 plus meschans donné quelque re-
 uerence de soy, quand on la void
 de pres: mais les gens de bien mes-
 mes ne sauroyent durer, & faut
 qu'ils se sentent du mal commun,
 & qu'à leurs despens ils esprou-
 uent la Tyrannie. Vn Seneque, vn
 Burre, vn Trazee, ceste terne de
 gens de bien, desquels mesme les
 deux leur mauuaise fortune les ap-
 procha d'un Tyran, & leur mit en
 main le maniement de ses affaires:
 tous deux estimez de luy, & cheries,
 & encores l'un l'auoit nourry, &
 auoit pour gages de son amitié, la
 nourriture de son enfance: mais
 ces trois là sont suffisans tesmoins
 par

par leur cruelle mort, combien il y a peu de fiance en la faueur des mauuais maistres. Et à la verité, quelle amitié peut-on esperer en celuy, qui a bien le cœur si dur, de hayr son Royaume, qui ne fait que luy obeyr? & lequel, pour ne se sa- uoir pas encores aimer s'appourit luy-mesme, & destruit s^{on} Empire.

Or si on veut dire, que ceux-là pour auoir biē vescu sont tombez en ces inconueniens, qu'on regarde hardiment autour de celuy-là mesme, & on verra, que ceux qui vindrent en sa grace, & s'y maintin- drent par meschancetez, ne furent pas de plus longue duree. Qui a ouy parler d'amour si abandonné, d'affection si opiniastre? Qui a ia- mais leu d'homme si obstinément

acharné enuers femme, que de ce-
 luy là enuers Poppee? Or fut-elle
 apres empoisonnee par luy mes-
 me. Agrippine sa mere auoit tué
 son mary Claude, pour luy faire
 place en l'Empire. Pour l'obliger
 elle n'auoit iamais fait difficulté
 de rien faire ny de souffrir. Donc
 son fils mesme, son nourrisson, son
 Empereur fait de sa main, apres
 l'auoir souuent faillie, luy osta la
 vie:& n'y eut lors personne, qui ne
 dist, qu'elle auoit fort bien merité
 ceste punition, si c'eust esté par les
 mains de quelque autre, que de ce-
 luy qui la luy auoit baillee. Qui fut
 onques plus aisé à manier, plus
 simple, pour le dire mieux, plus
 vray niaiz, que Claude l'Empe-
 reur? Qui fut onques plus coiffé
 de

de femme, que luy de Messaline? Il la mit en fin entre les mains du bourreau. La simplessie demeure tousiours aux Tyrans, s'ils en ont à ne sauoir bien faire. Mais iene say comment à la fin, pour vser de cruauté, mesmes enuers ceux qui leur font pres, si peu qu'ils ayent d'esprit, cela mesme s'esueille. Assez commū est le beau mot de cestuy-là, qui voyāt la gorge descouuerte de sa femme, qu'il aimoit le plus, & sans laquelle il sembloit qu'il n'eust sceu viure, il la caressa de ceste belle parole, Le beau col sera tantost couppé, si ie le cōmande. Voyla pourquoy la pluspart des Tyrans anciens estoient communément tuez par leurs favoris: qui ayans conu la nature de la Ty-

rannic, ne se pouuoient tant asseuerer de la volonté du Tyran, cōme ils se desfioient de sa puissance. Ainsi fut tué Domitiā par Estienne, Cōmode par vne de ses amies mesmes, Antonin par Marin, & de mesme quasi tous les autres.

C'est cela, que certainement le Tyrann'eust iamais aimé, ny n'aime. L'amitié, c'est vn nom sacré, c'est vne chose saincte, elle ne se met iamais qu'entre gens de bien, ne se prend que par vne mutuelle estime: elle s'entretient, non tant par vn bien fait, que par la bonne vie. Ce qui rend vn amy asseuré de l'autre, c'est la conoissance qu'il a de son integrité. Les respondans qu'il en a, c'est son bon naturel, la foy, & la constance. Il n'y peut auoir

voir d'amitié, là où est la cruauté,
là où est la desloyauté, là où est l'in-
iustice. Entre les meschans quand
ils s'assemblent, c'est vn complot,
non pas compagnie. Ils ne s'entre-
tiennent pas, mais ils s'entrecrai-
gnent. Ils ne sont pas amis, mais ils
sont complices.

Or quād bien cela n'empesche-
roit point, encores seroit-il mal-
aisé de trouuer en vn Tyrā vne a-
mour asseuree: par ce qu'estaut au
dessus de tous, & n'ayant point de
compagnō, il est desia au delà des
bornes de l'amitié, qui a sō gibier
en l'equite, qui ne veut iamais clo-
cher, ains est tousiours esgale. Voy
la pourquoy il y a bien (ce dît on)
entre les volleurs quelque foy au
partage du butin, pource qu'ils sōt

pairs & compagnons, & que s'ils ne s'entre aimēt, au moins ils s'entre craignent: & ne veulent pas, en se desunissant, rēdre la force moindre. Mais du Tyran, ceux qui sont les fauorits, ne peuuent iamais auoir aucune assēurance, de tāt qu'il a apprins d'eux mesmes, qu'il peut tout, & qu'il n'y a droit ni deuoir aucū qui l'oblige, faisant son estat de compter sa volōté pour raison, & n'auoir compagnō aucun, mais d'estre de tous maistre. Donques n'est-ce pas grand'pitiē, que voyāt tant d'exemples apparens, voyāt le dāger si present, personne ne se vueille faire sage aux despēs d'autruy? & que tant de gens s'approchent si volōtiers des Tyrās, qu'il n'y ait pas vn, qui ait l'auisemēt & la

la hardiesse de leur dire, ce que dit
(comme porte le conte) le Renard
au Lyon, qui faisoit le malade : Je
t'irois voir de bon cœur en ta taf-
niere: mais ie voy assez de trace de
bestes, qui vont en auant vers toy,
mais en arriere qui reuiēne, ie n'en
voy pas vne.

Ces miserables voyent reluire
les thresors du Tyran, & regardēt
tous estonnez les rayons de sa bra-
uerie, & allechez de ceste clarté ils
s'approchent, & ne voyent pas,
qu'ils se mettent dans la flamme,
qui ne peut fallir à les consumer.
Ainsi le Satyre indiscret (comme
disent les fables) voyant esclairer
le feu trouué par le sage Prome-
thé, le trouua si beau, qu'il l'alla
baïser, & se bruler. Ainsi le Papil-

lon, qui esperant iouyr de quelque plaisir, se met dans le feu, pour ce qu'il reluit, il esprouue l'autre vertu, cela qui brusle, ce dit le Poëte Lucan. Mais encores mettons que ces mignons eschappent les mains de celuy qu'ils seruent. Ils ne se sauuent iamais du Roy, qui vient apres. S'il est bon, il faut rédre cōte & reconoistre au moins lors la raison. S'il est mauuais, & pareil à leur maistre, il ne sera pas, qu'il n'ait aussi bien ses fauorits, lesquels cōmunément ne sont pas contents d'auoir à leur tour la place des autres, s'ils n'ont encores le plus souuent & les biens & la vie. Se peut il dōc faire, qu'il se trouue aucun, qui en si grand peril, avec si peu d'asseurance, vueille prendre
ceste

ceste malheureuse place, de seruir
 en si grand' peine vn si dangereux
 maistre? Quelle peine, quel mar-
 tyre est-ce, vray Dieu? Estre nuit
 & iour apres pour songer pour
 plaire à vn, & neantmoins se crain-
 dre de luy, plus que d'homme du
 monde: auoir tousiours l'œil au
 guet, l'oreille aux escoutes, pour
 espier d'où viendra le coup, pour
 descouurir les embusches, pour
 sentir la mine de ses compagnons,
 pour aduiser qui le trahit, rire à
 chascun, se craindre de tous, n'a-
 uoir aucun ni ennemy ouuert, ni
 amy assure: ayant tousiours le vi-
 sage riant & le cœur transy: ne pou-
 uoir estre ioyeux, & n'oser estre
 triste?

Mais c'est plaisir de considerer,


qu'est-ce qui leur reuiet de ce grand tourment, & le bien qu'ils peuuent attendre de leur peine & de ceste miserable vie. Volontiers le peuple du mal qu'il souffre, n'en accuse pas le Tyran, mais ceux qui le gouernent. Ceux-là, les peuples, les nations, tout le monde à l'enuy, iusques aux payfàs, iusques aux laboureurs, ils scauent leurs noms, ils deschiffrent leurs vices: ils amassent sur eux mille outrages, mille vilenies, mille maudifions. Toutes leurs oraisons, tous leurs vœux sont contre ceux-là. Tous les malheurs, toutes les pestes, toutes les famines, ils les leur reprochent: & si quelquefois ils leur font par apparence quelque honneur, lors mesmes ils les maugreent





greent en leur cœur, & les ont en horreur plus estrange, que les bestes sauvages. Voila la gloire, voila l'honneur qu'ils reçoivent de leur service envers les gens, desquels quand chascun auroit vne piece de leurs corps, ils ne seroyent pas encores (ce semble) satisfaits, ni à demy saoulez de leur peine. Mais certes encores apres qu'ils sont morts, ceux qui viennent apres, ne sont iamais si paresseux, que le nom de ces Mange-peuples ne soit noircy de l'encre de mille plumes, & leur reputation deschi-ree dans mille liures, & les os mesmes, par maniere de dire, trainez par la posterité, les punissant encores apres la mort de leur meschante vie. Apprenons donques


quelquefois, apprenons à bien faire. Leuons les yeux vers le ciel, ou bien pour nostre hōneur, ou pour l'amour mesme de la vertu, à Dieu tout puissant, assureté tesmoin de nos faits, & iuste Iuge de nos fautes. De ma part, ie pense bien, & ne suis pas trompé, puis qu'il n'est rien si contraire à Dieu tout liberal & debonnaire, que la tyrannie: qu'il reserue bien là bas à part pour les Tyrans, & leurs complices, quelque peine particuliere.


F I N.



















J. H. [unclear]

2700

,00,0

